

雁

門

集

鴈門集卷之六

代郡天錫薩都拉著

諸孫龍光編注

順帝元統元年癸酉

公年六十二歲是春赴上都迂馬伯庸時除南臺中丞是年公從子

守仁公名仲禮廷試同同榜及第

漢宮早春曲

李本無

女夷鼓吹招搖東羲和馭日騎蒼龍金環寶勝曉翠濃梅  
花飛入壽陽宮壽陽宮中鎖香霧滿面春風吹不去鞭却  
靈鼇駕五山芙蓉夜暖光闌干鷄人一唱曉星起四野天

開春萬里

元史后妃傳文宗卜荅失里皇后宏吉刺氏文宗居建業后亦在行文文宗崩立明宗次子懿寧質班是爲寧宗十一月奉玉冊玉寶尊皇后爲皇太后十二月御興聖殿受朝賀寧宗崩大臣請立太子燕帖古思后不從于是奉旨迎明宗長子妥懽帖睦爾至京師以明年六月卽位是爲順帝元統元年尊爲太皇太后仍稱制臨朝謹案此篇當是人日作時寧宗旣薨順帝未立諷文宗后宜早定議也女夷借淮南子女夷鼓歌以司天和意二句所以興起文宗之后言女夷且能鼓吹在招搖之東義和亦能馭日出蒼龍之駕今已及人日正壽陽宮梅花飛時也文宗后前居建業故以壽陽宮言之鞭却靈鼇駕五山二句蓋順帝曾徙居高麗大靑島中言旣有遺詔立明宗子則當鞭策大臣奉帝卽眞如靈鼇之駕海山不但天下蒼生之望卽興聖宮芙蓉亦被春陽之暖矣興聖宮后今所居地宮之西有太液池周圍植芙蓉也鷄人二句卽下威武曲所云熹微日色出東方

早令一出照八荒之意此詩全用此  
興體爲文宗后而發故語微而婉

### 威武曲

桓桓燕將軍威武天下一赤面注丹砂虬髯如挿戟當年  
意氣何鷹揚手扶天子登龍牀五年垂拱如堯湯白日騎  
龍昇上蒼桓桓燕將軍威武何可量嘉微日色出東方早  
令一出照八荒

舊作方誤

毋使三月人皇皇毋使三月人皇皇

謹案此詩爲燕帖木兒而發故語直而切方寧宗之崩  
燕南俄起大獄有妄男子上變言部使者謀不軌按問  
皆虛法司謂唐律告叛者不反坐張起巖奮謂同列曰  
方今嗣君未立人情危疑不亟誅此人以杜奸謀慮妨  
大計趣有司具獄都人肅焉事詳張起  
巖傳公此詩蓋亦有慮妨大計之意焉

丹陽普寧寺席上

李本無

江南通志普寧寺在丹陽縣治南一里晉王珣捨宅爲之本名顯陽唐改名朝陽咸通中建僧伽塔

宋祥符中賜今額

紅白桃花開滿枝滿城微雨牡丹時因過古寺逢僧話莫遣扁舟解纜遲客裏逢春多病酒江南到處半題詩山川總是曾遊處一曲琵琶寫別離

謹案此詩琵琶寫別離之句謂由丹陽赴京也

送王郎還錢塘

李本無

王郎會我丹陽郭歸興錢塘不可留北固雪晴山出畫西

湖春動水明樓草生湘浦行人遠日落吳山故國愁安得  
與君二三月買花沽酒醉紅舟

謹案此詩舊本次于普寧寺詩  
後今據首一句依舊本編次

送友

李作人  
毛同

之金陵

江城積

顧作  
曉

雨開新霽行李蕭蕭去遠垌千古風流

李作  
光毛

同

鬢毛

李作邊  
毛同

白六朝山色馬頭青秦淮月出潮初上蕭

寺鐘鳴

顧作  
聲

酒半醒莫唱當時後庭曲殿臺芳

李作衰  
毛同

草

夜

李作自  
毛同

飛螢

謹案此詩從  
舊本編次

贈謝舜咨羽士

李本無

茅山志洪武時副靈官凡九人謝舜咨其一也不詳其里族名號據志則舜咨在洪武初尙署教事

揚子江頭春水動

杭州府志作漲

三茅洞

志作觀

裏碧桃開道人

問天南北夜半月明

志作高

騎鶴來

謹案杭州府志採此詩題作三茅寧壽觀誤也謝舜咨係茅山昇龍觀道士公又有寄茅山謝舜咨詩云昇龍

觀裏謝道士一入茅山不肯回是也與杭州之寧壽觀不相屬此詩據首一句依類編次

送武侍御朝章

李本無

楓林湛湛草斑斑御史青驄響玉環日暮酒醒人已去不

堪回首見青山

次程宗賜韻

毛缺韻字

二首

李本無

一冬雨雪天涯客千里雲山馬上詩記得小紅樓畔夢香  
花春雨早寒時

揚州正月雨如絲江上梅花已盡時誰識能詩老何遜曉  
寒明鏡撚吟髭

謹案以上三詩皆從舊本編次

京城

李作師毛同

春夕

李作夜毛同

呈宋尙書

石君作禮部李毛本同

元史宋本傳字誠夫大都人至治元年策天下士于廷本爲第一賜進士及第授翰林修撰泰定元年除監察御史四年遷禮部郎中天歷元年陞吏部侍郎二年改禮部侍郎至順元年進奎章閣學



士院供奉學士二年擢禮部尙書二年冬寧宗崩順帝未立雖皇太后在興聖宮正旦議循故事行朝賀禮本言宜上表興聖宮廢大明殿朝賀衆是而從之元統元年兼經筵官二年轉集賢直學士兼國子祭酒兼經筵如故是年十一月卒年五十四所著有至治集四十卷行于世諡正獻與弟聚齊名人稱二宋云

柳色無端映

李作染毛同

翠裙官街車馬去紛紛鶯花御苑春

多少漏箭宮壺夜幾分金縷悠揚燕市月玉簫繚繞鳳樓

雲太平天子恩如海亦遣餘音客枕聞

謹案公于是年春赴上都迓南臺中丞馬伯庸此詩正抵大都之作時宋誠大方爲禮部尙書也自去歲八月國喪二君至是順帝尙未得立誠夫曾上言正旦廢大明殿朝賀是大禮且廢而于春夕士女遨遊車馬喧雜

春能多少夜已幾分唱金縷者尙悠揚月下弄玉簫者則繚繞雲中京畿之地無忌憚如此此非金吾弛禁之時自是平日天子寬恩之故不然客枕尙聞其音豈宮中獨不聞乎詩目云呈宋尙書蓋微示其意矣此詩據

誠夫本  
傳編次

傷思曲

李作如夢曲

哀燕將軍

石君作傷思曲哀故將軍燕公

芙蓉花爲誰好洞房昨夜將軍老將軍老去空鐵衣漆燈

照室

石君作墳

人不

石君作未歸

宮錦袍氍帳高將軍夜酌涼葡萄葡萄力重醉不醒美人

猶在珊瑚枕

海子頭誰家樓繡簾半捲風悠悠行人謂是將軍府將軍

不來罷歌舞

將軍容丹砂紅威風凜凜蓋世雄出門千騎塞行路今日  
蕭蕭去何處

平村曲春水綠將軍獵回曾此宿將軍一去成荒邱依舊  
平村春水流

皂鵬鷹紫騮石君作駝馬將軍圍獵石君作獵罷平沙野朔風蕭蕭

次野寒將軍戰馬遊不還

將軍功世莫比皇都甲第連雲起將軍一去空鎖門上馬

臺前

李作邊  
毛同

無一人

皓齒歌細腰舞綠窓朱戶將軍府將軍老去無少年半爲

野草半荒田

李作爲野草兮  
爲荒田毛同

如花人櫻桃唇旁人近前丞相嗔繁華日日笙歌動

石君作送

世事悠悠總如夢

朝作樂暮作樂朝暮杯盤金錯落月落日

李作日出  
欲盡毛同東

方明歡樂未已悲歌

李作哀  
毛同生

〔元史燕帖木兒傳〕欽察氏牀兀兒第三子至順二年爲  
建第于興聖宮之西南賜鷹坊百人賜龍慶州之流盃  
園池水碓土田又賜平江松江之陰蘆塲蕩山沙塗沙  
田等地先是自秉權以來肆意無忌一宴或宰十三馬  
取泰定后爲夫人前後尙宗室女四十人或交禮三  
日遽遣歸者而後房充斥不能盡識一日宴趙世延家

男子雜坐名鴛鴦會至是荒淫曰甚體羸溺血死○案燕帖木兒之死考本傳及順帝本紀俱不載在何月惟云燕鐵木兒死后乃與大臣定議立帝四年六月巳巳卽帝位于上都則是卒于四年六月以前順帝未卽位時也而權衡庚申外史謂甲戌元統二年死與順帝紀及本傳皆不合外史之誤無疑本傳有取泰定后爲夫人語邵戒山云表列泰定后尙有亦憐眞八刺皇后忽刺皇后也速皇后卜顏怯里迷失皇后失烈帖木兒皇后鐵你皇后俱無傳未能定其所取爲何后謹案此詩舊刻只作一首今從李毛本分作十首

### 過居庸關

原注至順  
癸酉歲

鄜道元水經注關在沮陽城東南六十里居庸界故關名矣胡三省通鑑注漢志有軍都居庸兩縣蓋縣各有關按蘇林注但言居庸有關而軍都則否蓋北魏時曾分置兩關爾顧祖禹方輿紀要嶺

翰塞卽居庸關音轉耳梁載言十道志居庸關亦名薊門關程百一方輿勝畧黃花鎮以東歷密雲

馬蘭太平燕河屬于山海謂之東關以西歷

居庸白羊紫荆倒馬屬于龍泉謂之西關

謹案日下舊聞邊塞下載此詩題云至順癸酉歲歲過居庸關綴輔通志題作度居庸卽事有感

居庸關山蒼蒼關南暑多關北涼天門曉開虎豹臥石鼓

晝擊雲雷張關門鑄鐵半空倚古來幾多李作度壯士死

草根白骨棄不收冷雨陰石君作風泣石君作山鬼道旁老

翁八十餘短衣白髮扶犁鋤路人立馬問前事猶能歷歷

言邱墟夜來芟李作鋤豆得戈鐵雨蝕風吹半稜折舊本作失

顏鐵腥石君作色惟帶土花青毛作腥猶是將軍戰時血

前年又復鐵作門貔貅萬竈如雲屯生者

李作存毛同

有功掛

玉

石君作六顧同

印死者誰復招孤魂居庸關何崢嶸上天胡不

呼六丁驅之海外消

李作休毛同

甲兵男耕女織天下平千古

萬古無戰爭

謹案前年二句指燕帖木兒與上都諸王交戰事致和元年八月丁未燕帖木兒遣其弟撒敦守居庸關九月庚申燕帖木兒督師居庸關遣撒敦以兵襲上都兵于榆林擊敗之已巳遣阿兀刺守居庸關是也有功掛玉印謂燕帖木兒也馬祖常有奉勅撰太師太平王定策元勲碑

過李陵墓

李本無石君墓字作臺

注見下周伯琦  
扈從紀行畧

降入天驕愧將才山頭空築望鄉臺蘇郎有節毛皆落漢  
主無恩使不來青草戰場鴈影沒黃沙鼓角鴈聲哀那堪  
攜手河梁別淚洒西風骨已灰

擬李陵送蘇武

李木無

全是肝腸十九年河梁攜手淚潸然鐵衣骨朽埋沙磧白  
首君歸棄雪氊海北牧羊無夢到上林過鴈有書傳漢家  
恩愛君須厚剪紙招魂望塞邊

車簇簇行

李本無此詩見馬祖常石田集中蘇天爵元文類及黃可潤口北三廳志俱編馬作

今從舊刻及毛本收



李陵臺西車簇簇行人夜向灤河宿隣家美酒斗十千下

馬飲者不計錢青旗搖搖出華表滿堂醉客俱年少

毛作少年

捧盃少女歌竹枝衣上翠金光陸離細肋沙羊成體薦共  
訝高門食三縣白髮從官珥筆行毳袍衝雨桓州城

周伯琦扈從紀行畧云龍虎臺在昌平境距京師百里  
過居庸關而北自東路至龕山至車坊入黑谷過色澤  
嶺歷龍門及黑石頭過黃土嶺至程子頭又過磨兒嶺  
至頤家營歷白塔兒至沙嶺自車坊黑谷至此凡三百  
一十里歷黑觜兒至失八兒禿至察罕腦兒過此日鄭  
谷店曰明安驛泥河兒曰李陵臺驛雙廟兒遂至桓州  
曰六十里店卽烏丸地前至南坡店去上京一舍  
耳爲里七百五十有奇大抵兩都相望不滿千里

梳頭曲

堯山堂外紀載此詩題  
作梳頭樂府李毛本同

紅綃捲袖搖鈿外紀作劍李作劍毛同聲摩挲睡眼窺秋菱陽臺夢

斷不知處一片烏雲愁欲傾一鈎新月掀雲起月漸低流

茜鞋外紀作雲委毛作蘇草地玉纖盤轉戲龍形寶釵壓定飛鴉翅

撩春撥曉誇自然黃金雙燕珍珠蟬白頭老嫗低低笑不

覺婆婆二八年

謹案末二句即薛逢所云阿婆三五少年時也曾東塗西抹過來意此詩不知所指今從舊本編

白翎雀李本無

輟耕錄白翎雀者國朝教坊大曲也陳雲嶠云雀生于烏桓朔漠之地雌雄和鳴自得其樂楊維禎鐵崖樂府白翎雀序國史脫必禪曰世皇敗于柳林聞婦哭甚哀明日白翎雀飛集幹朶上其聲類

哭婦上感之因令侍臣製白翎雀辭雀能制猛獸  
尤善擒駕驚者也王逢梧溪集聞彈白翎雀引序  
白翎雀燕漠間鳥也初世皇命伶官石德閭製白  
翎雀曲及進曰何其末有孤嫠怨悲之音乎石德  
閭未之改而已傳焉黃可潤口北三廳志形  
似鵠鶉長身短足善學百鳥之音性馴可畜

淒淒幽雀雙白翎飛飛只傍烏桓城平沙無樹巢弗營雌  
雄爲樂相和鳴君不見舊日輕盈舞紫燕鴛鴦鎖老昭陽  
殿風暄芳藥春可憐露冷芙蓉秋莫怨

### 殿試謝恩次韻

御柳青青白玉橋無端春色上官袍蓬萊雲氣紅樓近閭  
闔天風紫殿飄士子拜恩文物盛舍人贊禮旺聲高小臣

雖出江湖遠馬上聽鶯夢早朝

謹案家譜天與公之子守仁公名仲禮于是年廷試同同榜及第故有是作小臣二句公時蓋自應奉翰林遷為南臺掾也首二句是用丁卯謝恩之詩

奉賀

顧作賀字

進士野

李作也毛同

先不花仲實除侍儀通事

舍人

〔元〕百官志侍儀司掌凡朝會卽位冊后建儲奉上尊號及外國朝覲之禮至治後定置通事舍人一十六員從七品侍儀舍人一十四員從九品此言侍儀通事舍人蓋侍儀司之通事舍人也

舍人楚楚好容儀立在

石君作玉立顧同

清朝

石君作明

白玉墀紫袖

窄衫花萼遶黃金小帶荔支垂綵旗拂柳春班捲宮漏穿

花午仗移朝罷太平無事日芙蓉葉上好題詩

〔元〕輿服志百官公服制以羅大袖盤領俱右袷一品紫大獨科花徑五寸二品小獨科花徑三寸三品散答花徑二寸無枝葉四品五品小雜花徑一寸五分六品七品緋羅小雜花徑一寸八品九品綠羅無文偏帶正從一品以玉或花或素二品以花犀三品四品以黃金爲荔支五品以下以烏犀并八胯鞵用朱華○謹案詩中紫袖窄衫花萼遶黃金小帶荔支垂二句非從七品以下服色豈延祐以來定服色等第蒙古人不在禁限及見當怯薛諸色人亦不在禁限故與〔輿服志〕所載不符與

謹案〔元〕選舉志第一名賜進士及第從六品第二名以下及第二甲皆正七品第三甲以下皆正八品兩榜並同〔元〕百官志科目既罷復興之後至正二年蒙古人六名從六品出身色目人六名正七品出身漢人南人共六名從七品出身今野先不花非蒙古則色目而除從七品之通事舍人當是初行科目自延祐至元統七科

以內但其科分在公後非至順元年卽元統元年耳舊本編在元統諸詩中則當是元年癸酉之作

上京雜咏

石君及舊刻皆作韻

五首

此五詩黃可潤採入口北三廳志

元地理志上都唐爲奚契丹地金平契丹置恒州元初爲兀刺兒部兀魯郡王營幕地憲宗五年命世祖居其地爲巨鎮明年世祖命劉秉忠相宅于恒州東灤水北之龍岡中統元年爲開平府五年以闕庭所在加號上都歲一幸焉至元二年置留守司五年升上都路總管府十八年升上都留守司兼行本路總管府事

一派

石君作白晝顧及口北三廳志同

簫韶起半空水晶

石君作精

行殿玉屏

風諸王舞蹈千官賀高

李作齊毛同

捧蒲萄壽兩宮

楊允孚灤京雜咏詩注大安閣上京大內也別有水晶殿元禮樂志元正受朝儀兩宮升御榻鳴鞭三劈正斧

導從退立于露階東日下舊聞前代未有帝后並臨朝者惟元則然周憲王誠齋新錄宮詞大安樓閣聳雲霄列坐三宮御早朝大安閣在上都然則帝巡上都后亦從朝必並御也又誠齋新錄棕殿巍巍西內中御筵簫鼓奏薰風諸王駙馬咸稱壽滿酌蒲萄獻玉鍾雖指燕京而上京之制大抵相同

沙

寫本作上李毛同

苑棕毛百尺樓天風搖曳錦絨鈎內家宴罷

無人到面面珠簾夜不收

泰定帝本紀元年十二月新作棕殿成二年閏月作棕毛殿故宮遺錄端本堂東有棕毛殿皆用棕毛以代陶瓦釋來復蒲菴集燕京雜咏阿剌聲高檀板急棕毛別殿宴春回所言皆燕京西內據此詩則上京亦有之又灤京雜咏詩注棕毛殿在大幹耳朶湛然居士集每新君立另設一帳房極金碧之盛名幹耳朶後君立復自作之續宏簡錄幹耳朶譯言鑲房口北三廳志卽遼史所謂幹魯朶疑卽當時帳殿也

涼

寫本作行  
李毛同

殿參差翡翠光

石君作珠

衣華帽宴親王

紅寫本

作繡李  
毛同

簾高

寫本作齊  
李毛同

捲香

寫本作  
薰毛同

風起十六

石君作二  
舊刻同

# 天魔舞袖長

周伯琦近光集詐馬行序國家之制乘輿北行上京歲以六月吉日命宿衛大臣及近侍服所賜只孫珠翠金寶衣冠腰帶盛飾名馬清晨自城外各持綵仗列隊馳入禁中于是上盛服御殿臨觀乃大張宴爲樂惟宗王戚里宿衛大臣前列行酒餘各以所職賜坐合飲諸坊奏大樂陳百戲如是者凡三日而罷其佩服日一易大官用羊二千噉馬二匹他費稱是名之日只孫只孫華言一色衣也俗呼曰詐馬筵灤京雜咏注每年六月三日詐馬筵席所以喻其盛也千官以雉尾飾馬入宴元禮樂志元正受朝儀畢宴享殿上預宴之服衣服同制謂之質孫輟耕錄只孫宴服者貴臣見享于天子則服之今所賜絳衣是也貫大珠以飾其肩背間膺首服亦



如之皇甫錄近峯紀聞畧元近臣及親王侍宴者別賜冠衣謂之只孫今儀從所服團花只孫當是也與輟耕錄所載制飾不同順帝本紀帝荒于遊宴以宮女三聖奴妙樂奴文殊奴等一十六人按舞名十六天魔首垂髮數辨戴象牙佛冠身披纓絡大紅綃金長短裙金雜襖雲肩合袖天衣綬帶鞵鞵各執加巴刺班之器內一人執鈴杵奏樂以宦者長安迭不花管領遇宮讚佛則按舞奏樂官官受秘密戒者得入餘不得預胡元瑞少室山房筆叢天魔唐時樂王建宮詞十六天魔舞袖長不始元時公末句用其語

中官作隊道

寫本作導石君作隊仗等顧及口北三廳志同

宮車小樣紅靴踏軟

沙昨日

寫本作夜李毛同

內

石君及寫本作官顧及口北三廳志同

家清暑宴

舊作宴罷

御羅涼

石君作輕顧及口北三廳志同

帽插珠花

掖庭記宮中制五雲車以大樹爲檻式烏稜爲輶輪頂懸明珠張翠羽蓋中箱爲帝座外四箱爲妃嬪座每勝

夜遊幸苑中御此以行不用燈燭詩所云宮車是也京雜咏注千官至御天門俱下馬徒行獨至尊騎馬直人前有教坊舞女引導且引且舞

院院翻經

石君作燒燈頌及口北三廳志同

有咒

石君作病

僧垂簾白晝

石君作日

頤及口北三廳志同

點酥燈上京六月涼如水酒

石君作人頤及口北三廳志同

渴

天厨

石君作瓢頤及口北三廳志同

更賜冰

謹案李毛二本此詩次在下大野一章之後舊刻同今從頤本及口北三廳志○釋道世法苑珠林誦咒時燃八支酥燈元釋老傳歲時祝釐禱祀之常號稱好事者其目尤不一有曰觀思哥兒華言白傘蓋咒也有曰撒思納屯華言大理天神咒也有曰潤兒魯弗卜屯華言大輪金剛咒也有曰卜魯八華言咒法也又延祐四年宣徽使會每歲內廷佛事所供其費以斤數者酥二萬一千八百七十王士點大都宮殿考宣文閣旁有秘密

室周憲王宮詞安息薰壇建衆魔聽傳秘密許宮娥自從受得毘盧咒日日持珠念那摩張昱輦下曲似將慧日破黃昏白晝如常下釣軒男女傾城求受戒法中秘密不能言公詩白晝垂簾謂秘密室也

上京卽事五首

此五詩亦載口北三廳志

大野連山沙作堆白沙平處見樓臺行人禁地避芳草盡向曲欄斜路來

草木子元世祖思創業艱難移沙漠莎草于丹墀示子孫無忘草地謂之誓儉草○案公詩行人禁地避芳草意正指此

祭天馬酒灑平野沙際風來草亦香白馬如雲向西北紫駝銀甕賜諸王

〔元〕祭祀志元興朔漢代有拜天之禮世祖中統二年親征北方夏四月躬祭天于舊桓州之西北灑馬湏以爲禮皇族之外無得而與自是南郊大祀必設馬湏因舊俗也〔春〕明夢餘錄元初因其舊俗拜天于日月山成宗大德六年建壇于燕京合祭天地五方帝九年始立南郊專祀昊天上帝泰定中又合祭然皆不親郊文宗至順以後親郊者凡四惟祀昊天上帝○謹案南郊雖在大都而歲幸上都常行祭天之禮故公詩云然

牛羊散漫落日下野草生香乳酪甜

李毛及舊刻皆作酣誤

捲地朔

寫本作旋風沙似雪家家行帳下氍毹

紫塞風高弓力强王孫走馬獵沙場呼鷹腰箭歸來晚馬

上倒懸雙白狼

五更寒襲紫毛衫睡起東窓酒尙酣門外日高晴不得滿

城濕露

寫本作霧

似江南

謹案此五詩併上雜咏五詩舊刻及石君本寫本皆合爲十首題曰上京雜韻今從顧本并口北三廳志分爲兩題以上十詩皆在六月順帝卽位以後之作

和馬伯庸除南臺中丞時余

顧作僕

馳驛遠迂至京復

改徽政以詩贈別

李作和中丞伯庸馬先生贈別中丞除南臺僕馳驛遠迂至上京中

丞改除徽政以

詩贈別毛同

許有壬魏郡馬文貞公神道碑銘祖常字伯庸世居雍古部科舉詔下鄉會皆第一廷試第二蓋以國人冠也授應奉翰林文字天歷初參議中書省事拜治書侍御史改徽政副使拜南臺中丞今上卽位召議新政改同知徽政院事拜御史中丞以公疾特免朝禮命光祿口給上尊知經筵拜樞密

副使居無幾辭歸復南臺中丞遷西臺疾不赴  
至元四年三月丙午薨于光州之第年六十

**元史百官志**御史臺秩從一品大夫二員從一品  
中丞二員正二品侍御史二員從二品治書侍御

史二員從二品掌糾察百官善惡政治得失江南  
諸道行御史臺設官品秩同內臺至元十四年始  
置臺于揚州尋徙杭州又徙江州二十三年遷于  
建康大德元年定爲江南諸道行御史臺統江東

江西浙東浙西湖南湖北  
廣東廣西福建海南十道

**又百官志**儲政院秩正二品至元十九年立詹事  
院備左右輔翼皇太子之任三十一年太子裕宗  
旣薨乃以詹事院之錢糧選法工役悉歸太后位  
下改爲徽政院以掌之自是迭爲罷置天歷元年  
改詹事院爲儲慶使司二年罷復立詹事未幾改  
儲政院又順帝本紀元統元年十二月乙亥爲皇  
太后置徽政院設官  
屬三百六十有六員

謹案元史馬本傳與許碑所載皆官徽政在前除中丞在後又皆元統以前事則在文宗時矣今考順帝紀元統元年始復立徽政院而百官志天歷間亦無置徽政院事恐傳沿許碑之誤

江南驛使路遙遙赴龍門望

李作看石君及毛本同

海潮桂殿且

留修月斧銀河未許度星軺隔花立馬聽更漏問夜鳴珂  
趁早朝祇恐淮南春色動萬竿烟雨綠相招

自注伯庸家有萬竿烟雨

圖○李毛缺此注石君注在題下

虞道園學古錄題灤陽胡氏雪溪卷序云出居庸關未盡東折入馬家龕望縉山度龍門百折之水登色澤嶺過黑谷至於沙嶺公詩遠赴龍門指此

謹案據此詩蓋伯庸除中丞未久旋即改除未嘗蒞任也又張雨句曲外史集載御史中丞馬公伯庸有贈薩

天錫還金陵長句因次韻寄上其詩云射策甲科今廿載尺書難信石城潮徑登烏府持天憲猶倚青溪望使軺四月鶯啼夾城仗千官花擁大明朝會因桂樹思真隱獨是淮南作賦招據伯雨詩馬亦未嘗蒞任南臺也傳及許碑皆云今上卽位召議新政是馬已蒞任南臺而復召至上京矣與所云改徽政副使屬在文宗時同一誤伯雨詩云射策甲科今廿載者馬以延祐二年乙卯廷試第二人自乙卯至元統甲戌正歷廿載也伯雨寄詩在甲戌公回金陵之後公遠迂上京在癸酉是歲十二月始復置徽政院馬之改除當在十二月也此詩據句曲外史集編次

### 送任仲甫回廣西

李作送友人  
之廣西毛同

〔廣西通志〕職官表任德照元統元年  
平樂府推官○謹案仲甫當卽其字

昂昂野鶴在雞羣客裏相逢忍

李作又  
毛同

見分酒醒玉簫江



左月夢回白鴈

季作馬  
毛同

廣西雲洞庭春

李作秋  
毛同

水連天去

建業寒潮入夜聞君到

李作過  
毛同

此時應憶我我逢此際定

李作却  
毛同

思君

### 移梅

幾夜幽香惱夢魂  
殷勤來倩隴頭人  
鑿開東閣窓前地  
分得西湖雪裏春  
瘦影番來新體態  
疎枝猶帶舊精神  
今朝伴我清吟處  
不許詩懷更有塵

謹案此詩以鑿開東閣句編次○原在本卷送武侍御絕句之前補附於此

### 鴈門集卷六終

鴈門集卷之七

代郡天錫薩都拉著

諸孫龍光編注

順帝元統二年甲戌

公年六十三歲正月自上都還金陵又自金陵赴臨川二月還秋赴

京冬除燕南廉訪司照磨

春日過丹陽石仲和宅會茅山道士石山輝

杏花一夜雨聲寒酒醒丹陽幾日還却遇茆君三白鶴偕

騎一隻到三山

江南通志三山在江寧府西南五十七里吳志晉王濬伐吳順流而下直指三山是也大江從西來勢如建瓴

此山突出當其衝有三峯吳時津戍處輿圖志云其山積石森鬱濱于大江三峯行列南北相連唐李白詩三山半落青天外卽此

謹案以下諸詩皆上都回金陵時經途之作

句容道中遇雪

元地理志集慶路領縣三上元江寧句容明一統志句容縣在江寧府東九十里縣有句曲山故名

何處吳姬壓酒家短衣匹馬路盤斜東風不識陳宮恨一路吹開玉樹花

雪中飲昇龍觀

李本無

銀燭春船剪夜寒道人鶴氅紫霞冠山瓢未盡金陵酒玉

樹飛花滿石壇

夜宿昇龍觀

舊日宸遊地朱華護輦

石君作翠

紋龍飛九天雨鶴夢一山

李作

同龕毛

雲神火丹鑪見仙音客枕聞殷勤謝道士深夜

石君作月

黑禮部君

謹案謝道士

謝舜咨也

昇龍觀九日海棠杏花開

李本無

九日江南風日暖海棠花間杏花開昇龍觀裏春光早爲

是先承雨露來

鼎湖龍去御牀空輦路花開舊日紅九日人間春色早不堪草木見秋風

謹案昇龍觀在茅山九日謂正月九日也順帝卽位在癸酉六月文宗之崩在壬申八月二詩分指二帝

雪中過龍潭紫薇觀訪道士不值

石君作雪中過龍潭紫薇觀訪道人

馬初陽不值而其徒留茗欸書以寄之

道人已跨龍潭鶴童子能煎

石君作烹

雀舌茶一夜山中滿林

雪客來無處覓梅花

夜發龍潭二首

李本無

孤舟一夜發龍湫水逆風回上石頭暫泊沙洲過夜半臥

聽鐘鼓是昇州

明一統志唐至德初置江寧郡乾元初改爲昇州後廢復置五代時吳楊氏建大都府尋改爲金陵府後又改爲江寧南唐李氏都之宋復爲昇州元至元初改爲建康路元貞初立江南諸道行御史臺天歷初又改爲集慶路

船頭夜靜天如水渡口潮平月在江燈影搖波風不定老龍吹浪濕篷窓

上趙涼

舊作京誤國公

元史趙世延傳字子敬其先雍古族居雲中北邊世祖召見俾入樞密院御史臺肄習官政至元二十九年僉江南湖北道肅政廉訪司事泰定元年除集賢大學士明年出爲江南行臺御史中丞尋

加翰林學士承旨光祿大夫兼知經筵事泰定帝崩燕鐵木兒與宗王大臣議武宗之子懷王周王于法當立周王遠在朔漠而懷王久居民間備嘗艱險民必歸之天位不可久虛不如先迎懷王以從民望八月卽定策迎之于江陵懷王卽位是爲文宗當是時世延贊畫之功爲多天歷二年拜中書平章政事詔以年高多疾許乘小車入內至順元年四月仍加翰林學士承旨封魯國公秋以疾移文中書致其事明日卽行養疾于金陵之茅山詔徵還朝不能行二年改封涼國公至元二年卒至正二年追封魯國公諡文忠世延歷事九朝剔歷省臺五十餘年凡軍國利病生民休戚知無不言而于儒者名教尤拳拳焉

笑辭天上九鼎貴來種江東二頃田屈指已無元老在全

身惟有上

李作國毛同

公賢新亭不必悲王導

李作道誤毛同

彭澤何

曾改晉年如此聲名滿天下人間野史

舊作

亦堪傳

〔通鑑〕晉懷帝紀永嘉五年周顓奔琅邪王睿睿以顓爲軍諮祭酒前騎都尉譙國桓彝亦避亂過江見睿微弱謂顓曰我以中州多故來此求全而單弱如此將何以濟旣而見王導共論世事退謂顓曰向見管夷吾無復憂矣諸名士相與登新亭遊宴周顓中坐歎曰風景不殊舉目有江河之異因相視流涕王導愀然變色曰當共戮力王室克復神州何至作楚囚對泣耶衆皆收淚謝之〔沈約〕宋書陶潛自以曾祖晉世宰輔不復屈身後代自高祖王業漸隆不復肯仕所著文章皆題年月義熙已前則書晉氏年號自永初以來惟書甲子而已謹案新亭一句言文宗之立世延成贊畫之功亦如王導之克復神州不作楚囚對泣也彭澤一句言文宗爲武宗子因仁宗背兄弟相及之約而立英宗故武宗二子播越南北今文宗立是返舊約亦如淵明之戀晉不改義熙年號也然議立文宗者燕鐵木兒之奸謀世延輔之夫自英宗南坡之變泰定以晉王乘間入繼大統



或謂非所宜立王禕曰晉王子世祖孫也于次爲長雖  
守藩服嘗有盟書今而國統之弗繼則求所當立者舍  
晉王之系將誰屬耶公于文宗之篡立每于詩有微詞  
焉此詩于末一語可以知公意之所在矣曰野史亦堪  
傳意謂千秋信史其可  
逃乎此詩據本傳編次

四美亭餞別時雪大作戲贈趙公子

石君無戲贈趙公子五字李作

龍潭送侍中田美中  
携酒十里雪作毛同

趙世延傳五子達者三人野峻台黃州路總管次  
月魯江浙行省理問官伯忽夔州路總管天歷初  
夔加台據蜀叛死于難追封蜀郡公諡忠愍丁復  
檜亭集有金陵奉餞趙公子去疾理問侍平章魯

公世延入

蜀歸秦詩

謹案檜亭集云金陵奉餞趙公子去疾理問當與  
此同時事蓋世延之卒在至元二年也據傳月魯

爲江浙行省理問則檜亭所  
云去疾卽月魯之字可知

公子青驄馬追隨

石君作  
遊顧同

十里遙風頭雲葉凍酒面雪花

消惜別遲

李作頻  
毛同

回首何

李作無  
毛同

因見舞腰君歸金帳暖

無限可憐宵

### 雪中渡江過山飲暘谷簡上人房二首

釋氏稽古續集海雲大宗師簡公性與道合心與  
法宜細無不入大無不包住臨濟院能係祖傳以  
正道統佛法蓋至此而中興焉又載元僧附見無  
傳者一百二十三人有崇恩簡法師寶覺簡法師  
未知孰是

聞說山中新酒熟野人乘興過江來小窓無處著

舊本春  
作看春

色一樹梅花雪裏開

山酒吹香出小槽燈前痛飲污青袍夜深夢醒知何處老

鶴一聲山月高

遊崇國寺 李本無

謹案崇國寺未詳所在但詩中有門前綠柳青溪繞之句青溪在江寧府治則寺當亦去府治不遠考江南通志有崇因寺在江寧府城南十里石馬山之陰新亭舊址也有王謝遺跡劉宋時名曠野寺豈國字即因字之誤歟俟再考

山中積雪無人到松下青泥有鶴踪古寺難尋入山路行人但聽隔林鐘門前綠柳青溪繞石上花磚碧蘚封擬約

秋深重一到杖藜裋褐採芙蓉

戲王功甫

李本無

王郎酒醒倚修竹雪後重簷擁毳衣亦有江南未歸客青  
山影裏馬如飛

雪霽過青

毛作清

溪題道士江野舟南館二首

李本無

明一統志青溪在江寧府治吳鑿東渠名青溪溪有九曲連綿數十里通潮溝洩元武湖水發源鍾

山接于秦淮

舊有七橋

謹案倪雲林集有云野舟吾鄉之英才也辛酉冬仲遯遁于簡邨蘭若爲寫江山夕照圖并詩以贈野舟又號牧菴未審卽此人否

孤舟橫野水門外雪晴初白日莫放鶴青溪閒釣魚

江南正月半猶自有梅花踏雪去何處青溪道士家

送金德啓之句容

石君作送金德容入館

元宵能幾日君去獨

石君作復

何心縣市春燈亂山村

石君作亭

夜

雪深鄉情猶越分詩句盡唐音後會逢寒食晴光滿樹林

謹案公自壬申三月末始到金陵癸酉正二月公在丹陽二月以後又由丹陽赴上都至今甲戌正月始回金陵故凡在金陵係三月以前作者皆編入是年之詩

前作者皆編入是年之詩

回風坡

毛作波誤

弔孔明先生

李本無

江西通志迴風磯在九江府東北四十里舟行至此俱轉蓬避風

大江東流日夜白已矣英雄不堪說朔風挾雨過江來猶  
向磯頭濺腥血漢家神器四海搖奸雄賊子相貪饕二龍  
雌雄尙未決將軍戰骨如山高先生謀畧滿懷抱坐視腥  
膻不爲掃若非蜀主三顧賢終只如龍臥南畝仰天一出  
摧奸鋒綸巾羽扇生清風許君義氣肝膽裂兵樞盡在掌  
握中赤壁樓船滿江夏伏石君作仗劒登壇唯叱咤赤心耿耿  
天必從烈火回風山亦赭可憐一炬功未成將星已墜西  
南營力吹漢水灰未醒嗚呼天命何不平佇立磯頭盼吳  
越感慨今李作令人生白髮先生雖死遺表存大義晶晶明

日月

謹案此詩似是咏祭風臺而詩目則係迴風坡考明一統志祭風臺在赤壁山下世傳漢昭烈祭風于此又赤壁山在武昌府東南九十里唐元和志在蒲圻縣西一百二十里北岸烏林與赤壁相對卽周瑜焚曹操船處圖經云在嘉魚縣西七十里其地今屬嘉魚朱蘇軾指黃州赤鼻山爲赤壁蓋劉備居樊口進兵逆操遇於赤壁則赤壁當在樊口之上又赤壁初戰操軍不利引次江北則赤壁當在江南亦不應在江北今江漢間言赤壁者五漢陽漢川黃州嘉魚江夏惟江夏之說合於史公詩赤壁樓船滿江夏亦從其說也

### 登德興聚遠樓上有宋廟書

明一統志德興縣在饒州府城東一百四十里本樂平縣地唐置德興場南唐陞爲縣宋屬饒州元舊仍

〔江西通志〕聚遠樓在饒州德興縣東南宋熙寧間  
余十隆創據邑最高處縣令單錫扁曰聚遠樓侍  
郎劉定記王拱辰蘇洵蘇軾轍黃庭堅馬廷鸞俱  
有詩又御書樓德興縣有二一在八都宋董父官  
敷文閣待制哲宗累賜御札建樓貯之一在二十  
七都丁山藏宋高宗賜進士姜夔翰○案蘇軾有  
單同年求德興俞氏  
聚遠樓詩三絕句

眉山仙去風流盡聚遠樓空月色寒波暖東風入樽俎夜  
深北斗掛闌干幽花野草先靈杳鐵畫銀鈎御墨殘不見  
舊時雙燕子春風幾度捲簾看

遊會仙宮

李本無

〔江西通志〕會仙亭在南昌府城西七  
十里翔鸞崗傳是唐文簫遇綵鸞處



虞道園學古錄龍沙之會仙宮有別室甚幽遠道士吳明德喪父雲卿奉母居之謂之春暉堂蓋與秋屏爲

鄰焉

霏霏涼露濕瑤臺半夜吹簫月下來山外春風將雨過滿庭撩亂碧桃開

謹案以上三詩公以事至臨川經途所作蔣仲舒謝在杭謂公送訢笑隱詩有地濕厭聞天竺雨月明來聽景陽鐘之句虞伯生以聞聽二字重未幾公以事至臨川語虞前詩虞爲改聞作看考虞之歸臨川在元統元年距公送詩之年不過三載蔣謝所云未幾以事至臨川是爲時未甚久也且江南十道皆隸江南行御史臺江東建康道江西湖東道本在所隸之內今三詩入于本年以時候爲編次

寄志道張令尹

〔朱國楨〕皇明開國臣傳張以寧字志道先固始人  
後徙古田六歲日記千言登元泰定丁卯進士初  
任黃巖州判官以計擒捕海寇殆盡陞六合縣令  
有惠政丁內艱阻兵亂教授淮南者十年後徵國  
子助教累官翰林有俊才博學善記尤長春秋元  
末遺老凋零以寧獨擅名于時人呼爲小張學士  
○謹案〔明史〕文苑傳與此稍異謂由黃巖州判官  
進六合尹坐事免官滯留江淮者十年順帝徵爲  
國子助教累至翰  
林學士知制誥

淮南宣化閣相對石頭城二月風帆過滿江春浪生青山  
行不斷綠野盡開耕令尹張公子兒童知姓名

謹案宣化閣在六合縣據此  
詩張爲六合令當在是時

遊鍾山遇雨

李無遇雨  
二字毛同

林影扶疎護碧苔

石君作虎踞龍蟠翠作堆顧同

肩

石君作竹顧同

興上

石君作高顧同

下路縈回潮聲萬壑松風過雲氣滿樓山雨來梁武廟荒

顧作前

芳

李作春毛同

草合

李作冷毛同

荆公墓在

顧作下

野棠

石君作花開

百年感慨成何事且盡

李作進毛同

生前酒一盃

三月八日偕張御史遊鍾山寺值雨

李惟鍾山遇風雨五字毛同

二首

遊樂有清趣

李作深處毛同

豈知行路難山風吹馬倒松雨滴衣

李作花毛同

寒幽壑籃輿轉花

石君作樓

臺石磴盤吾皇千萬壽曾

此駐金鑾

城市

石君作臺上

多驄馬清遊有幾人山靈飛白雨朝士洗

舊刻

作說

紅塵雲起鐘樓暝桃開野寺春泥塗

李作上歸太晚

石君

作急

法席爲誰賓

李作誰主復誰賓李本以此首列在前毛同

### 過紫薇菴訪道士三首

道士愛幽居年來一事無盆池新雨過石上種菖蒲

山中華蓋洞石氣冷蕭蕭不見眠雲客惟逢避雨樵

研硃滴露清自點太玄經盡日無人到小窓蘭葉青

謹案公有遊鍾山紫薇觀酬江月一闕此紫薇菴當卽是歟今附於遊鍾山寺詩後

半山寺值雨

李作題半山寺毛同

〔江南通志〕半山亭在上元縣城北王安石故園元豐七年安石請舍為寺賜額報恩禪寺〔明一統志〕

半山亭在鍾山半道王安石賦詩凡十五首○案半山寺當即報恩禪寺

今日雲林趣倍濃  
李作今日偶成 清遊  
李作幽 恨未得從

容龍歸石洞  
半山雨潮捲天風  
十里松春路泥深多滑馬

晚樓烟暗  
李作霧 只聞鐘  
荆公舊隱知何處  
回首丹崖  
李作

蒼茫  
毛同 第幾重

宿洞神宮春曉書事  
李本無

〔江南通志〕洞神宮在江寧府城淮清橋西宋景定間建元李孝光有記

道人睡起窓月白  
飯熟黃梁雞亂啼  
門外賣花聲已過街

頭春雨竟成泥

冶城三月晦日

李本無

〔江南通志〕冶城在上元縣治西〔金陵圖考〕春秋時金陵未有城邑惟石頭東有冶城相傳夫差鑄劍于此〔南畿志〕云孫吳治鑄之所在宋天慶觀卽今朝天宮〔雅遊編〕云晉武建冶城寺安帝以寺爲苑旁有卞將軍墓謝安王羲之同登處亦曰冶亭朱義熙十一年劉鍾領石頭戍事屯冶亭是也別有東冶亭史稱王導遷冶于縣東七里蓋東冶也

雨前雨後鶯亂啼城南城北花交飛江南兒女裁紵衣燕

京遊子何時歸

題冶城道士稽秋山卷

不見冶城稽道士雲深無處訪仙踪  
夜聞老鶴行枯葉知在秋山第幾重

遊竹林寺

〔明一統志〕竹林寺在江寧府城南三十里牛首山

野人一過竹林寺無數竹枝

李作林毛同

生白烟江近

李作左毛同

玉龍埋碧草月明黃鶴下青

毛作芝顧同

田樹銜宿雨啼

李作藏毛

同山鷓花落春風老杜鵑何日來分雲半榻故人不用買

山錢

謹案此詩〔畿輔通志〕採之其字句從李舉本竹枝作竹林江近作江左啼山鷓作藏山鷓然詩中既有江左之

語則是江寧之竹林  
寺也通志爲誤採矣

### 層樓卽事

〔江南通志〕層樓在江寧縣〔建康志〕云在府治右南  
廂花行街宋咸淳中黃萬石重建榜曰江淮奇觀

浴罷焚香掃閣眠過牆新竹翠娟娟半空雲氣層樓暗四

月江南欲雨天

### 過石子岡

〔江南通志〕一名石子墩在江寧縣南十五里〔吳志〕  
云建業南有長陵在石子岡孫峻害諸葛恪投干  
此輿地志宋大明中起觀風亭于上云卽新亭岡  
右送行處按石子岡有三西岡在安德門外與白  
楊路近東岡雨花臺下梅岡是也中岡  
乃諸葛恪所投處卽城南之鳳臺岡



露光日落紅穿樹山色雨餘青近人便好拂衣入山去解  
鞍辭却馬頭塵

蒲萄酒美鱖魚味肥賦蒲萄歌

揚州酒美天下無小槽夜走蒲萄珠金盤露滑碎白玉銀

甕水暖浮黃酥柳花吹盡春江漲雪花鱖魚出絲網王

毛作

李郎載酒過江來開酒膾

李作斫  
毛同

魚醉春晚世事反覆如

擣菹會須一飲空百壺淋漓宮袍亦奇士夜起看對青燈

孤

謹案世事反覆如擣菹  
句猶是廣覆字韻意也

江南春次前韻

舊刻題作江南曲

江南四月春已無黃酒白醅紅櫻珠吳姬小醉弄絃索十  
指春雪如凝酥池塘過雨春波漲風捲楊花落蛛網翠眉  
新婦歌春愁白馬少年歸日晚遊魚水淺出短蒲誰家銀  
箭飛金壺日長睡起翠陰午簾外忽過流鶯孤

寄中臺照磨子徵

謹案中臺卽御史臺也江南爲南臺陝西爲西臺故以內臺爲中臺據詩則子徵姓姚

中臺高百尺幕府得姚郎洗面風生雨鳴珂月照霜詩成  
裁書錦酒飲賜天香獨有無媒者臺城立晚涼

陪張子壽御史遊古竹堤

李作陪張御史  
遊鍾山毛同

〔元〕選舉志泰定元年春三月廷試捌刺張益等八十有六人○案張子壽卽張益之字也公下詩目有湖南張子壽欽點  
第一人云云可証

〔江南通志〕竹里城建康志云在句容縣北六十里東陽鎮齊永元二年張佛護等拒崔慧景時所築〔胡氏通鑑注〕謂建康竹篠鎮在行宮東北三十里許二說不同又竹城建康志云在溧水縣東南七十里〔新志〕謂在高淳縣東六十里今固城渡有竹城圩未詳孰是宋周邦彥詩竹城何檀樂曾翠分雉堞王封盡四壑同有歲寒節似因竹名城也○案古竹堤當卽竹里城及竹城二處

烏府仙人獬豸冠清遊喜得共儒酸鵲花過雨千巖淨

石君

作驄馬穿松

李作雲  
毛同

六月寒山鬼每驚詩句險客懷惟恨

李作愛  
毛同

酒盃乾

李作寬  
毛同

一時佳會

李作興  
毛同

千年在

李作遇  
毛同

莫作浮生半日看

偕趙逢吉避暑石頭城日暮余歸逢吉留宿山中次  
日寄逢吉并長老珪白巖

竹下一僧坐城頭獨客還星河下平地風露滿空山犬吠  
松林外燈明石壁間故人偕禪榻心共白雲閒

納涼

桂枝葉密陰覆地梔子花開香滿廊古寺納涼過半日葛  
衣石枕竹方牀

宿臺城寄吳宗師

李本無

〔元史〕釋老傳吳全節字成季饒州安仁人年十二學道于龍虎山至元二十四年從張留孫見世祖三十一年成宗至自朔方召見勅每歲侍從行幸所司給廬帳車馬衣服廩餼著爲令大德十一年授元教嗣師三年贈其祖昭文館大學士封其父司徒饒國公母饒國太夫人至治二年制授特進上卿元教大宗師崇文宏道元德真人總攝江淮荆襄等處道教知集賢院道教事卒年八十有二〔書史會要〕宗師吳全節號閒閒鄱陽人

金陵城外鳳皇臺夜夜吹簫獨自來不見仙人倚歌和白

鶴飛下還飛回

和閒閒

石君作閒閒

吳真人二首

李本無

幾度驅車上京國五更歸夢遶雲林丹爐火伏虎晝臥石

鉢雲寒龍夜吟

明一統志雲林山在撫州府金谿縣東四十里峯崔數百仞界撫信建昌三郡其形勢爲金谿之巨鎮上有三

十六峯

天上神仙王

舊作吳

子晉丹鳳樓前駕鹿車紅門下馬見天

子袖有一卷養生書

輟耕錄隆福殿在大內之西興聖之前南紅門三東西紅門宮各一繚以甃垣南紅門一東紅門一後紅門一又有厚載門北爲御苑周垣紅門十有五內苑紅門五御苑紅門四此兩垣之內也

寄京口鶴林主人

李作鶴林寺長老毛同

了卽休

白頭不出城南寺枯坐蒲團笑客忙過暑葛衣渾

李作從寫本及

毛本同

破碎逢秋竹院愈荒涼空山雲濕龍歸鉢古屋松低

鶴在

李作到寫本及毛本同

牀遙憶題詩舊遊處夜深東壁月蒼蒼

謹案此篇公為南臺掾時在金陵作故詩目加京口二字末云遙憶題詩舊遊處憶前官京口錄事司時舊題之處也

寄石民瞻

陸友杞菊軒稿石民瞻作縣彭澤集賢趙子昂畫馬贈別民瞻已見第三卷注

京口石彭澤詩懷似鶴形蒼天容老健白髮照江清夜鼎

薰雞舌秋袍織鳳翎醉扶綠玉杖應望石頭城

謹案至順庚午公在京口有送石民瞻過吳江訪友詩此詩云京口石彭澤是已自吳江回京口矣末一句知

公在金陵之作

寄馬初陽道士

石君無道士二字李作題紫薇觀馮道士房毛同

卜築長江上回峯晚更奇山厨

李作村毛同

猿索飯竹屋鶴聽

棋雲護燒丹竈泉香洗藥池道人足高興

石君作未李作高興足不毛

同許俗人知

送王真人北上代劉宗師

李作送王習靈新授宗師朝京毛同

玉佩下東

李作珊毛同

下界聞天風吹動碧榴

石君作霞顧同

裙劉郎

跨鶴遊三島王子吹笙

李作簫毛同

到

石君作列

五雲洞府

李作花毛同



夜光

李作深毛同

傳玉印石壇月黑禮茹君若逢天上吳夫子

應問

李作有毛同

丹砂鍊幾

李作肯我毛同分

謹案詩中吳夫子指吳開閣時接駕于龍虎臺故云天上

送劉雲江還茹山

李作次韻送人還茅山石君作次韻吳開閣送劉雲江還茅山

〔江南通志〕茅山在句容縣東南高三十里周百五十里真誥稽神樞云句曲山古人謂爲金壇之虛臺天后之便闕山形似已故以句曲爲名又名已山相傳漢時茅氏兄弟三人得道于此因名其最高者曰大茅又中茅小茅道書所謂第八洞天第一福地金陵地肺是也梁陶宏景隱于此

八十華陽洞裏仙朝回劒履御堦

石君作街

前丹砂出鼎無餘

火白髮翻經有太玄三月雲江春似海九重金闕日如年

歸來依舊茆山月道德名舊作明言說五千

贈劉雲江尊師李作贈劉尊師毛同

羽人推轉阿香車童子穿松拾李作入毛同翠華天上賜衣霑

雨露山中添線李作詩毛同織雲霞瑤臺李作壇毛同紫氣秋橫劍

石室李作屋毛同丹光夜走砂擬借茆君毛作居誤三白鶴乘風騎

到玉皇家

### 寄句曲外史

虞集崇壽觀碑張君吳郡人名天雨內名嗣真字伯雨別號貞居年二十棄家入道徧遊天台括蒼諸名山吳人周大靜先為許宗師弟子得楊許遺書張君從以為師悉受其說嘗從開元王君壽衍

入朝被璽書賜驛傳顯受教門擢任非其志也卽  
自誓不希榮進因從三茅之招追奉任君而下五  
君爲文而告之願畢力茲宇所著外史山世集三  
卷碧巖元會錄二卷又尋山志十五卷考索極精

博云

謹案此詩亦見成廷珪居竹軒集題作簡句曲外  
史張伯雨考田汝成西湖志方外部採此詩係公  
之作知舊本  
原自有據也

霞佩翩翩出洞天當時彷彿見臞仙幾年海上張公子今  
日山中葛稚川滄海塵飛丹已熟玉堂人去榻空懸林間  
載酒來相覓乞寫丹經與世傳

上內臺治書阿魯圖

舊作禿依  
新譯改

立先塋石

李作賀內  
臺治書奉

勅樹碑先  
塋毛同

〔元〕史阿魯圖傳博爾朮四世孫至正中爲中書右  
丞監修國史○案此云阿魯圖恐別是一人據詩  
中語意其立先塋  
石當卽在金陵

獬豸裘冠侍紫皇繡衣玉斧破炎石君作天荒江東邱壠雲山

好天上文章雨露香句曲洞中石君作天天石君作分紫翠鳳凰臺

上石君作月月石君作共清光忠臣孝子千年意石君作事永刻豐碑不

敢忘

江館寫事李本無

晚毛作曉市人烟合歸帆帶夕陽青山到江盡白鳥去天長

越女能淮語吳如學楚妝棲遲未歸客猶著錦衣裳

昇龍觀夜燒香印上有呂洞賓老樹精

李本無

蘭風吹動呂仙影老樹槎牙吐暮秋夜靜藥爐丹火現月  
明神劍夜光浮已知浩氣無窮盡不到灰心未肯休鐵笛  
一聲吹雪散碧雲飛過岳陽樓

寓昇龍觀時吳尊師持旨先駕至大都度灤

毛作川灣非

遂次韻賦此以寄并柬舜咨先生

李本無

遵化縣志灤河又名灤江在縣東七十里源出塞外由潘口入南經灤州入海宋名郡爲灤州以此

元地理志灤州在盧龍塞南按灤川疑卽灤州之川

扈蹕千官取次行人先踏雪泥晴關南日暖龍顏近嶺  
北風高鶴背輕丞相早行霜滑馬將軍夜宿火連營一年  
兩度經過處惟有青山管送迎

謹案順帝本紀是年車駕時巡上都九月還自上都此  
順帝卽位後第一次時巡也詩中關南指居庸關劉基  
誠意伯文集龍虎臺去京師百里在居庸關之南背山  
面水車駕歲幸上都往還駐蹕之地嶺北指神嶺山顧  
祖禹方輿記要神嶺山在昌平州東北三十二里山  
高百餘丈下有龍潭流入白浮堰所謂神山泉也

寄茅山道士謝舜咨

李本無

昇龍觀裏謝道士一入茅山不肯回白髮笑人年百歲青  
天容我日千盃已知聖主求方士未必先生下釣臺每向

石頭城下望順風應寄鶴書回

偕廉公亮遊鍾山

石君有注云時公亮除江西僉事

十里松風吹酒醒馬頭雲氣碧陵嶂空山落葉時

李作疑毛同

聞雨古塔疎林夜

李作不毛同寫本作晝

見燈勝地難逢今日會舊

遊却記

寫本作憶

向年曾使君五老峰前去應有新詩寄病僧

謹案至順壬申公有鍾山曉行及同郭侍御過鍾山大崇禎寺詩是年春又有遊鍾山值雨及三月八日偕張御史遊鍾山值雨詩此詩云舊遊却記向年曾疑王申歲公會與公亮同遊也○五老峯明一統志南康府廬山五峯如五老相連故名據詩云六則公亮除江西僉事當在此時

遊崇禎寺有感

李作再過鍾山大崇禎萬壽寺有感毛同李毛二本俱落崇字

紫翠空中出雨

石君堂李作烟霞出上方毛同

老僧揮淚

李作遊人登覽毛同

憶先皇赤欄相映苔花落

李作石闌空見巖花亂毛同

翠輦不來山路

荒此日山河

李作風雲毛同

消王氣舊時草木識

李作染毛同

天香夜

深行殿無人到應有山靈

舊作雲

護御牀

堯山堂外紀建康舊治治亭當鍾山佳處文宗在金陵亭去行邸為近常遊觀焉一日傳命且至住山道人寶琳者出宮門迎候移時見從官奉供帳及門則知上已至亭久矣從臣以寶琳見上笑曰道人何避客之久也寶琳頓伏請罪上曰山徑幽雅取便而至宜爾之不知問寶琳何以字玉林則對曰道士燒金石為丹汞抽鼎中如瓊林玉樹故取以為名上曰當此大雪吾登此亭目力所及樹木皆玉也豈不易見乎更謂之雪林且謂寶琳曰吾出遊數勞人動眾不如山行之便可作柴門嚴扃鑰以待予之往來自是數至寶琳野人見上樂甚



乃忘其微賤或持酒引裾留上上亦欣然爲留焉○案  
崇禎寺已見第五卷注公詩老僧揮淚憶先皇當卽寶  
琳輩  
是也

### 酌桂芳庭

桂枝秋露洗銀瓶醉裏題詩記答曾接竹池通丹井水隔  
松人誦藥珠經茶香石鼎燒紅葉酒渴冰盤破紫菱一帶  
鍾山青未了碧窓雲氣護龍亭

謹案此詩一帶鍾山青未了碧窓雲氣護龍亭二  
句則桂芳庭當卽在崇禎寺中然各志皆不載也

### 送馬伯庸子之京

〔許有壬馬文貞公神道碑〕子男二武子承事郎湖  
廣行省檢校官文子徵事郎秘書監著作郎○案

碑作于順帝至正七年此云馬伯庸子當是其子時尙未出仕也但未知所指其爲武子歟抑或文

子歟

欲晴不晴天氣慳欲別不別人語難丈夫意氣自磊落握手一笑心與肝南宮子弟吐金縷何必尊前花解語樹搖晚翠下風涼燭落春雲剪秋雨平原李作高歌毛同痛飲如有神醉吐不惜車中茵明朝送子上船去回首江南江北人

謹案此詩舊本編于和同年觀志能還自武昌之前且末有回首江南江北人之句今從之

### 和同年觀志能還自武昌

觀志能已見第五卷注

〔元地理志〕江南湖北道武昌路領武昌縣宋陸壽昌軍以其爲江西衝要地也元因之至元十四年陞散府治本縣後革以縣屬本路

短衣匹馬走江漢山川歷歷何雄哉漢陽風緊李作城高鼓角

動洞庭水深鴻鴈來雪消巴蜀浪翻屋黃鶴磯下聲如雷  
是時立馬夜呼渡清江苦竹猿聲哀

### 送莫秀才歸番陽

〔元地理志〕江東建康道饒州路唐改鄱陽郡仍改饒州宋因之元至元十四年升饒州路總管府領縣三鄱陽德興安仁

番陽秋水落白下買船還遠夢驚新鴈歸帆識舊灣打碑

過薦福攜酒看芝山却憶曾遊處清溪萬柳間

謹案下有寄朱縣尹詩纔入金川境云云蓋公于本年正月到臨川是纔入之境也今莫秀才歸番陽于金川爲便道而詩又云番陽秋水落白下買船還比事而觀知下二詩皆屬本年之秋同時所作

題光春卷上有蕭滕王三學士贊

番陽山人春擁門玉堂學士墨翻盆屋前屋後雪千樹枝  
北枝南月半痕寒夜老龍搖玉骨霜天瘦鶴弔冰魂未經  
調鼎休惆悵會見留酸到子孫

謹案首一句云番陽山人春擁門山人卽莫秀才也此詩從汲古閣本集外詩補收

寄朱縣尹

纔入金川境行行望眼賒亂山迷驛路一水護人家地僻  
民安業官清縣少衙江南賢令尹東閣賦梅花

李作心地似梅花毛

同本

謹案金川驛在江西臨江府新淦縣此詩當是由莫秀才寄之也

### 遊長干寺

〔梁〕京寺志建康南五里有大長干小長干東長干並是地名梁武帝初起長干寺〔江南通志〕長干里在江寧縣〔輿地紀勝〕云建康南五里有山岡其間平地民庶雜居有大長干小長干東長干小長干在瓦官寺南西出大江又天禧寺在城南門外始名長干寺宋改名乃大長干也今報恩寺前大道吳都賦長干延屬注云江東謂山間爲干建業之南其地平行故號爲長干

秦淮河上長干寺松栢蕭蕭雲日鮮故堠尙存銅雀瓦斷  
碑猶載晉朝年石壇旛影風吹動輦路磚花雨滴穿惟有  
長廊舊時月幾回缺後幾回圓

〔晉書〕成帝沿淮設航二十有四有青溪朱雀等名按  
晉帝建朱雀門上用兩銅雀故朱雀航以之得名

層樓晚眺

李惟層樓  
二字毛同

廣寒世界夜迢迢醉拍闌干酒易消河漢入樓天不夜

李作

雨毛同

江風吹月海初潮光

李作影  
毛同

搖翠幕金蓮炬夢斷涼

雲碧玉簫休唱當時後庭

李作後庭  
舊時毛同

曲六朝宮殿草蕭蕭

〔明〕一統志

入漢樓在石頭城南

晉義熙中建累加入于雲漢

征婦怨

堯山堂外紀採此詩與舊刻同

有柳切勿栽長亭有女切勿歸  
征人長亭楊柳自春色歲  
歲年年送行客一朝羽檄風吹烟  
征人遠戍居塞邊  
麟麟車馬去如箭  
錦衾繡枕難留戀  
黃昏寂寞守長門  
花落無心理  
針線新愁暗恨人  
不知欲語不語顰  
雙眉妾身非無淚  
有淚空自垂  
雲山烟水隔吳越  
望君不見心愁絕  
夢魂暗逐蝴蝶飛  
覺來羞對窓前月  
窓前月色照人寒  
遲遲鐘鼓夜未闌  
燈闌有恨花不結  
粧臺塵慘恨班班  
半生偶得一錦字  
道是前年戰時苦  
一朝血杵烟藪除  
腰間斜掛三

珠虎妾身自喜還自驚門前忽聞凱歌聲錦衣繡服歸故里不思昔日別離情別離之情幾青草鏡裏容顏爲君老黃金白璧買嬌娥洞房只道新人好

成化續通鑑綱目至順元年五月雲南宣慰使土官祿余以討禿堅之功授行省參知政事至是叛附于禿堅羅羅諸蠻因相繼作亂平章帖木兒不花被害詔諸王雲都思帖木兒將江浙河南江西三省兵二萬與湖廣省脫歡並討之二年四月阿剌忒納失里及各省兵十餘萬進擒伯忽阿禾斬之烏蒙東川諸夷皆歛服遂復中慶路遣使獻捷餘黨逃竄山谷乞分兵鎮過之餘皆遣還詔從之

謹案文宗本紀天歷二年十月燕鐵木兒調江浙兵萬人西禦潼關旋即止江浙軍士之往潼關者就還鎮是不但無交戰事並未嘗抵潼關也此詩云雲山烟水隔吳越蓋指江浙兵士之討祿余者又云道是前年戰時



苦自元統甲戌溯至至順壬申爲  
前年也今據續通鑑綱目編次

### 將遊茆山先寄道士張伯雨

侍騎白鶴訪茅君琪樹秋聲隔夜聞料得山中張外史石君

作道士開門先掃鶴巢雲

謹案鄭元祐僑吳集有鶴巢次張貞居韻則鶴巢當是貞居所居之處貞居又有來鶴亭及鶴臺皆在茅山云

遊茆山李作次韻寄茆山張伯雨毛同二首石君無二首二字以下一首另標遊茆山題目

句曲道人門不出幾時杖屨接慇懃春晴洗藥分泉去午  
睡烹茶隔竹聞山脚客行驚犬吠樹皮苔老結龍文三層  
臺上月如水半夜吹簫入紫雲

天際三峯翠欲流

李作翠色浮毛同

更于何處覓瀛洲也知方外

神仙樂

李作好毛同

不識人間兒女愁白犬吠雲

李作人毛同

驚夜

夢

李作鬼毛同

朱簾捲雨入明樓掛冠何日尋高隱竹杖棕

李作

同 芒毛

鞋絕頂遊

宿曲陽仙館

李作宿茅山崇禧觀南塢樓毛同

王去疾崇禧萬壽宮記今之崇禧觀隱居曲林館也陶隱居曲林館銘云孰如曲林獨為勁好掩迹

韜功守茲偕老○案題中陽字為林字之誤

天際三峯橫紫烟山前山後盡芝田樓臺木末疑無路鷄

犬雲中半是仙白石經年皆化玉青松鎮

顧作盡

日祇聞泉

曲林三館幽深處

李作幽栖地毛同

一夜鐘

顧作重

樓聽雨眠

### 題元符宮東秀軒又名日觀

〔蔡卞元符萬寧宮記〕崇寧五年秋有司言茅山元符萬寧宮成有詔臣卞爲之記謹案熙寧初常州道士劉混康者始誅茅結菴于茅山之積金峯哲宗召見賜號洞元通妙大師且命卽其故居易而新之會改元元符因號其處曰元符觀終哲宗世元符觀猶未訖工皇帝二年宮將成御題其榜曰元符宮且以謂是宮經始于元符而落成于今故因其舊名而增之以彰繼志述事之意

茹君山上

李作下毛同

種玉地

李作田毛同

道士闢爲東秀軒五色

晚霞開日觀萬株秋露滴雲根竹園笋出穿龍角松樹年

深長鶴孫一道天河橫屋過奎光垂地夜當門

登衆妙堂題商學士畫雨霽歸舟圖

〔元〕史商挺傳字孟卿曹州濟陰人其先本姓殷氏避宋諱改焉子五人琦字德符大德八年成宗召備宿衛授集賢直學士泰定元年遷秘書卿善畫山水畫史會要左山參政第七子官至集賢學士山水師李營邱得用墨法墨竹自成一家○案畫史謂琦爲挺第七子而元史云子五人俟再考

大茆峰

石君作山

頂見日出烟樹雲林宿雨收萬里澄江淨如

練却從天際識

石君作霽泛

歸舟

謹案衆妙堂當卽在茆山故本詩云大茆峯頂見日出而舊本編此詩亦卽次于將遊茆山先寄道士張伯雨詩之後今依類編次

贈清元道士陳玉泉朝京還茆山

李作句曲贈清元道士陳玉泉朝京

還山復拜廣陵觀毛同石君題上有句曲二字餘同舊本

〔江南通志〕青元觀在句容縣治西南隅葛洪故宅梁天監中建案青元即清元猶青溪之為清溪也

清元道士騎黃鶴曾向春班趁早朝香動螭頭雲氣暗路

回龍尾佩聲遙還山去采泉中玉

石君作石洗耳終忘李作亡毛同

樹上瓢聞說淮南招桂隱渡頭明月聽吹簫

寄林所源道士

李作寄新原林道士毛同石君作寄新原林所源道士句曲茅山

我識華陽

石君作山中

林道士步虛聲

李作空毛同

裏帶淮腔幾年

掛劒茅君洞一夜渡船揚子江醉酒慣眠松

石君作林

下石題

詩多

石君作愛

旁

李作愛

水邊艤

李作窓毛同

仙家白鶴應

李作養毛同

無數不許

李作

閒人

李作人

借一雙

題舒真人仙

毛作

山樓觀圖

〔荊山志〕舒真人名本住號一庵金陵人晚而慕道浪跡諸名勝至三荊鬱岡之下見有異跡乃結茆

而栖與江文谷同爲閭知言

高足弟子年九十有六卒

〔黃公望〕大癡道人集有郭忠恕仙山樓觀圖〔顧王山集外〕詩有題宋徽宗仙山樓觀圖此圖未知誰

作或更有

別本歟

瑶花琪樹間霓旌十二朱樓接五城臺上吹簫秦弄玉雲  
邊度曲許飛瓊光流漢殿青鸞舞霞擁函關紫氣明方丈  
蓬萊俱咫尺不須東望問長生

寒夜懷京口韻石君作寒夜懷上京和韻

謹案題字當有缺訛據詩意宜從石君本作寒夜懷上京為是

帝京久別石君作別後夢相石君作想同鴻濛佳氣凌青空石麟銅

雀動涼月玉樓珠箔搖天風宮壺龍渴晚石君作曉漏盡御街

馬滑春雪融繡衣貂帽少年子銀甕索酒石君作酒索葡萄宮

石門懷舜咨夜坐

茅山志茅山石洞真誥所云華陽洞天便門也自左元放仙去閉閣千年至是復開

道人掛劍丹陽去欲入茆山恐未曾飛去難尋雲外鶴歸

來獨禮斗前燈夢回洗鉢分秋水酒渴毛作醉敲壺碎夜冰

獨有江東未歸客西風詩骨瘦峻嶒

贈茅山道士

石君無此四字

胡琴月

茅山道士來相訪手抱七絃琴一張準擬月明彈一曲桐

花落盡曉

石君作晚

風涼

送鏡中圓上人遊錢唐

西湖西畔三天竺古木蒼藤望欲迷遙憶道人禪榻夜月

高霜落聽猿啼

謹案高安僧圓至字天隱姚氏子駐錫建昌之能仁寺工古文而詩尤清婉過西湖云水光山色四無人清曉誰看第一春紅日漸高絃管動半湖烟霧是遊歷圓上人未審卽其人否今從舊本編次



茆山道士

李作答茆山道士見寄毛同

道人自有愛山癖  
蠟屐平生幾兩穿  
七竅冷雲秋噴竹  
一琴明月夜調絃  
山中紫府茆君宅  
肘後丹方許史傳  
短褐擬尋黃犢去  
長鑱斲雪早春前

酬張伯雨寄茆山志

劉大彬茅山志序句曲有記尚矣朱紹興二十年南豐曾惲孚仲昭臺道士傅霄子昂修山記四卷所書山水祠宇粗錄名號而已考古述事則猶畧焉大彬登壇一紀始克修證傳宗經錄又五載而成是書凡十二篇十五卷題曰茆山志姚綬句曲外史小傳嘗悅劉大彬所修茆山志因自號句曲外史胡儼重刻茆山志序茅山舊有記而志則起于嗣宗師劉大彬故元時所編集也又外史張伯

雨所書極精

潔元季析燬

謹案劉宗師荊山志成于天歷元年戊

辰十二月伯雨所寄蓋卽劉所修者

悵余未識荊君面喜得荊山道士書燈外雨聲那厭聽風  
前石髮豈堪梳碧窓雲氣寒生楮清室丹珠夜繞厨夢到  
層臺夜披卷桂林風動月疎疎

紫微觀

石君作陽顧同無觀字

道士馮友直

石君無此三字

與余同宿

茵閣次日余過元符宮友直同

石君上有自字

僧安

石君無此字

上人過

石君作入顧同

五雲觀寫詩贈友直

石君作詩以寄之顧同

江南通志紫薇觀舊在廬州府巢縣北十里金庭山下世所稱第十八金庭洞天也紫陽觀在句容

縣大茆峯下崇禧宮左又元符萬寧宮在句容茆山積金峯下宋嘉祐中蜀人王晷結爐煉丹于此後道士劉混康居之徽宗賜額又五雲觀在句容縣華陽洞西五雲峯下宋天聖中建○案徐鉉有紫陽觀碑蔡卞有元符萬寧宮記晏殊有五雲觀記俱載在茅山志

道人采藥出山遲

石君作高顧同

茵羽衣半夜忽聞孤

鶴語

石君作高顧同

五雲相伴一僧歸

同

石君有張字顧同

伯雨遊凝神菴因觀宋高宗

顧有字

賜蒲

衣道士張達道白羽扇

李處全凝神菴記句曲名山三茆勝地靈宮闕宇甲于江左數千百里凝神菴居其間紹興癸亥祠宇宮道士張椿齡與其徒相攸于中峯之下誅茅結菴爲物外之遊學士稍趨歸之聲聞帝聰召對

上顧勞甚寵解御服以賜且命圖形于神仙閣固  
請還山初太上皇欲菴爲觀先生辭故止賜今名  
庚辰歲建三清閣殿像設供具皆上方所製其後  
以行宮賜銀建天祥閣奉藏宸翰又爲層屋置內  
府賜鐘乾道壬辰賜田三百三十畝有畸仍命漕  
浙除其稅德至渥也屋之高下皆因其山之勢爰  
帖邃密不晦不露白雲峯擁其左小峯拱其右而  
挹赤山大羅源平遠當胸而昇元頂亦逶迤在目  
也先生常州晉陵人初名行義字達道度爲道士  
改今名而世先以其字行茆山志昇元觀其西峯  
曰白雲又西有黑虎峪峪中有凝神  
菴紹興間祠宇宮張達道先生居此

晴日赤山湖水明湖中山影一眉青蒲衣道士無人識羽

扇年多

石君作年  
年顧同

落鳳翎

景定建康志絳巖湖一名赤山湖在句容縣西南三十  
里去府六十里源出絳巖山周迴二十里通秦淮江寧

府志云吳赤鳥中築赤山塘引水爲湖歷代修築唐天寶時改爲絳巖

謹案西湖志凝神菴在赤山西湖遊覽志蒲衣道士張達道所居高宗嘗賜白羽扇至元猶存薩都刺詩云云則是杭州亦有凝神菴矣考杭州赤山在麥嶺南並無赤山湖亦無凝神菴田汝成或因高宗事入遊覽志後人遂沿遊覽志而誤入西湖志矣

茅山元洲精舍有道士號紫軒又號木通生白日坐解遺書其徒許道民者至今坐墻尙存爲題其卷

茅山志林大敷號紫軒自稱木通生永嘉平陽人玉海蔣宗師遊浙東從入山至元丙子歲許宗師度爲徒嗜酒不羈行步不疾而速徧遊五岳諸名山晚就元洲精舍築壇把茅居之大德戊戌歲二月十八日徧辭交舊言將東歸明日坐蒲龕中焚香誦洞經忽大聲喝去守庵驚視之見危坐火光

中經聲不絕頃之地無遺骨空有祥雲法所謂火  
解者衆方歎異適薛道民者自揚州回言遇先生  
于瓜洲繼數出入  
人間附信山中

謹案題中許道民是薛道民  
之誤因詩有許道民三字也

白日飛昇凌紫烟靈書猶許道民傳元洲精舍無多地夜  
夜火珠光燭天

擁爐夜宴張天雨宅時張不飲有友謝舜咨尙在句

曲因成詩嘲張寄謝

李毛俱作擁爐夜  
酌張友寄詩謝誤

劉基張伯雨墓誌銘但飲酒賦詩或焚香終日坐  
密室不以世事接耳目姚綬句曲外史小傳綬五  
六年前從甘泉劉邦彥得八帖往往言造酒法必  
善飲據此則公詩中所云如飲藥先落魄者知爲

張一時止酒故  
以是嘲之耳

張生不好飲飲酒如飲藥得酒未

李作味

濡脣形影先落魄

野人酒

李作飲毛同

不辭一飲盡盃酌雨泉響茶爐

李作飲盡盃中酒

渴向茶烟毛同

松風語雲

李作幽毛同

壑茅

李作芳毛同

山道士胡不歸

李作

來毛同

一夜燈花向人落

宿元洲精舍芝菌閣別張伯雨二首

李本無

茅山志元洲精舍至元間玉海蔣宗師齋室蓋景行平元洲真人也句曲外史集元洲倡和十絕句序云茅山元洲精舍左右真仙古蹟曰菌山羅姑洞霞架海鶴臺桐華源元洲精舍紫軒火浣壇隱居松玉像龕至治二年壬戌歲過吳興溪上與松雪學士倡和十絕以記其處仍書刻石山中

一到茆山三日留滿山風雨過中秋雲行松樹高低見日

落澗水東西流外史相邀登菌閣此身祇毛作只合往疑當作住

瀛洲他年叢桂結招隱野服願隨麋鹿遊

竹樹忽聞乾鵲噪明朝歸計候新晴小樓無處著毛作有秋

意暗雨空山如海聲葉落虛窓毛作窓聞毛作開鶴步峯回路

合斷人行誰知昨夜元洲客剪燭題詩過三更

謹案此詩第二首外史集附錄諸公題咏詩及西湖志并載之其題俱作宿張外史馬塍新居誤矣考陳旅馬塍菌閣記錢塘城北有村曰馬塍居民多業藝花至元後丙子歲句曲外史來棲焉外史杭人入華陽洞學道二十餘年歲一還里展墓乃二月雨作艤舟西塍宿故人朱明字所居院院有止堂餘壤雜栽草樹溪流折入



魚鳥來親人外史欣然爲留約結屋其處于是審曲面勢治地戒工三月甲戌成外史舊有菌閣在金苗山吳興趙文敏公篆榜極古茲復以真蹟署新閣意扁舟往來所在皆菌山也又考劉基張伯雨墓誌銘延祐初謝觀居開元宮明年杭災宮燬外史適華陽至元丙子以上塚告歸遂不復去據菌閣記及墓誌銘則馬塍新居創自後至元丙子三月在公爲南臺掾之後伯雨有寄臺掾薩天錫求予識面而之燕南八月十四夜風雨宿菌閣絕句七首蓋公此時由南臺掾爲燕南照磨故其詩中有內臺最近燕南幕博士臺郎有此除之句迨後至元丙子公入閩爲知事則在四月公到閩詩所云萬株紅荔艷晴暉是也與伯雨詩目所云八月十四夜風雨宿菌閣不得符卽云丁丑出閩爲河北廉訪經歷道由浙江然其年八月十五夜則在建溪公又有溪行中秋玩月詩序可証且公詩一到茆山三日留伯雨詩未聞草堂三日留公詩滿山風雨過中秋伯雨題云八月十四夜公詩剪燭題詩過二更伯雨剪燭對牀詩未穩一一與公詩相應是知此菌閣茅山之菌閣也而外史

集附錄及西湖志皆誤作馬塍新若今特爲  
辨正伯雨詩見鴈門集倡和錄此不具載

題茅山梅石道士卷

李本無

紫陽洞裏羅浮仙袖攜冰雪梅花編玉堂道士字一尺綠

毛作紫

清老人詩四聯夫何題咏到疎嬾日短天寒歲云晚

毛作獨

憐空谷有佳人翠壁丹崖作屏板道人鶴氅顛倒

披芒鞋踏雪夜深歸莫將鐵笛山頭吹只恐石裂梅花飛

謹案石道士石山輝也玉堂道士指吳全節元史吳全  
節傳英宗至治二年特進上卿元教大宗師崇文宏道

元德廣化真人總攝江淮荆襄等處道教知集  
賢院道教事緣清老人疑是上清道士劉大彬

送觀志能分得君字

石君有韻字

志能與余

李作僕毛同

同榜

又同南臺從事考滿北歸

李作還  
毛同

登臺曾並轡射策舊

舊刻  
作又

同文八月中秋別三年此日分

風霜下木葉鴻鴈渡江雲無日不思我有詩還寄君

謹案觀志能傳只言其丁卯登第後由戶部主事再轉  
而知歸德府後陞都水監官而已今據此詩則志能曾  
爲南行臺官屬蓋在  
戶部主事之前也

送李恕可隨王宗師入京

借得茆山鶴隨風飛上天過江已重九去路越三千

李作  
江聲

近九里客路  
已三千毛同

禁闕紅雲上家山

李作鄉  
毛同

碧海邊傳

李作待  
毛同

聞金馬詔復見玉堂仙

謹案王宗師卽上王習靈也李恕可名行之詩中過江  
已重九句據李本作江聲近九里考太平寰宇記引元  
中記云彭城有九里山有穴潛通琅邪然則李當是徐  
州人○此詩編于本卷送王真人北上七律之後補附  
此於

鴈門集卷七終